

Партийн сургъулин кабинетин лекционн көдлмшт өгдг нөнд

Западн района партийн сургъулин кабинет политическ сургъуль дасдж йовх улст, района куч-көлсчир дунд цалгъврин көдлмш делгрүлхд сән дөнъг болдж баянә. Политическ медрлан өдлүлджәх кадрмуд кабинетд ирдж заавр, кергтә материал авцхана. Энүнд консультационн нөкд бас бурдәгдв.

Партийн сургъулин кабинет ода лекционн көдлмш делгрүлхд ончта килмджән тусхаджана. Октябрин 40-ч өднд нерәдсн СССР-н Деед Советин сессийин шиидврмүдиг, социалистическ орн-нутгудин коммунистическ болн көдлмшч партьсин Советанә Декларациг болн Төвкнүн баялгәнә Манифестиг куч-көлсчирт цаялгъдж өгхин, оln-әмтнә заргьс сунъгьлгьн болдж йовхин тускар, өдгә цагин политикин тускар лекционн пропаганд делгрүлх зура батрагдсн күцагддж йовна.

Лектормуд, агитатормуд, докладчик улст партийн сургъулин кабинетин күргдг нөкдн буульмджта. Лектормудин белдсн лекцснь нургъу урдаснь умшдг халәгдәд ясгдна, чиклгднә. Лекцс идеян өдән кирцәтә, оln-әмтнд тодрха медгдхиг күцхд ик оньг тусхадна. Кабинетд лекторин болн агитаторин шугъу гидж гарсн баянә. Энүндн теднд кергтә дектрмуд, газетс, — крайар, таньгъчар, райодар, кол-

хозмудар болн совхозмудар күцсн диилврин туск то-дигин материал хурагдсн баянә.

Западн район мана таньгъчд түрүн нүүрт йовх райодин негнь. Колхозмудт болн совхозмудт көдлмшин сән дамшлт баянә. Энүгинь тархахд партийн сургъулин кабинет йиягъвртә дөнъг лектор улст күргджәнә. Эн тускар белн кегдсн материал теднд өггднә. Лектормуд сонъсачиртан район государствд үс орулдж өглгьнә зурагъан 162 процент, махнаг — 103, өндгнәг — 159 процент күргдж күцав гидж келхләрн, эн тоот ягъдж, ямаран дамшлт олзлгддж күцагдсинь цаялгъдж өгнә.

Район бүхлдән саалин үкр болгьнас 1850 килограмм үс саадж авсн болхла, „Пролетарская победа“ колхозин саальчир Раиса Яцкая, Мария Ковалева хойр үкр болгьнас 2700 килограмм үс саадж авцхав. Түрүн нүүрт йовх селәнә эдл-ахун иим көдләчврин дамшлтиг тархагъад, цаялгъдж, илткдж өгхд лектормуд ик оньган тәвдж көдлцхәнә. Иим лекц сонъсачирт ик туста болна, көдлмшән ясрулхдн дем күргнә.

Партийн сургъулин кабинет шинәс көдлджәх лектормудт онц дөнъгән күргнә. Лекц кехд белдвр кех болгьнднь методическ заавр өгәд, кергтә литературар теткнә. Иим сүв-селвг өггдлг төләд лекцс

умшлгьнд формализм үзгд. динь уурулхд сән туста болджана.

Райком партин болн райисполкомин гардачнр лекционн пропаганд келгьнд шунмгъагар орлцна. Сүулин цагт районд кесг оln лекцс умшгдв, тедн дунд СССР-н Деед Советин өднә сессийин шиидврмүдин тускар, „СССР-н оln-әмтнә иньгллгьн“, „СССР-н Конституц“, „Ставрополь болн Хальмг таньгъч Советск йосна 40 джилин эргцд“, „Партин болн правительствин Хальмг таньгъчд күргджәх дөнъ-нөкд“, „Коммунистическ болн көдлмшч партьсин эвдршго иньгллгьн“ гисн болн нань чигн төрәр.

КПСС-н райком кадрмудин экономическ медрлинь өдлүлхд, иим медрлиг тархахд ик оньган өгнә. Энүгәр кесг лекцс умшгдв. Тодрха экономикәр лекцс умшсн улс района совхозмудин, МТС-н болн колхозмудин көдлмшин сән дамшлтинь бас орулдж келцхәнә. Иим лекцин дару күүндвр болдж, келгдсн төрмүдиг саянәр меддж авхд ик нөкд болгчнь лавта.

Района эдл-ахун өслтд күцгдсн диилврин нег эв-аргьн лекционн пропагандиг делгү кесн йовдл болджана.

Е. ПОПИК.

КПСС-н Хальмг таньгъчин комитетин лектор.